

**Plan de patrocinio  
dos equipos de alta competición  
deportiva profesional de Galicia  
2026**

## Plan de patrocinio dos equipos de alta competición deportiva profesional de Galicia 2026

1. Antecedentes.....	3
2. Persoas destinatarias.....	4
3. Dotación orzamentaria.....	6
4. Tramitación: convenios de patrocinio.....	6
5. Vixencia dos convenios de patrocinio.....	9
6. Documentación a presentar polas Entidades.....	9
7. Prazo de presentación.....	11
8. Instrución. Emenda de erros .....	11
9. Notificacións.....	11
10. Trámites administrativos posteriores á presentación de solicitudes.....	12
11. Transparencia e bo goberno.....	12
12. Publicación dos actos.....	12
13. Valor estimado dos convenios.....	13
14. Resolución do patrocinio.....	14
15. Aceptación do patrocinio.....	14
16. Nova resolución se algunha entidade renunciara ao patrocinio.....	14
17. Formalización do patrocinio.....	14
18. Fórmula de pago.....	15
19. Emenda da documentación xustificativa.....	16
20. Penalizacións.....	16
21. Causas de resolución dos convenios de patrocinio.....	16
22. Actuacións de control por parte da Fundación.....	17
23. Información para os patrocinadores.....	17

## **1. Antecedentes.**

A Fundación Deporte Galego é unha entidade de natureza fundacional do sector público da Comunidade Autónoma de Galicia, adscrita ao Protectorado da Consellería de Presidencia, Xustiza e Deportes.

Conforme aos seus Estatutos, a Fundación ten por obxecto a promoción e incentivo do deporte e da práctica deportiva en Galicia, en cuxa consecución está capacitada para a realización directa de actuacións e programas, ou en colaboración con institucións e empresas, tanto públicas como privadas.

Entre os seus fins e segundo o artigo 6. dos seus estatutos a Fundación asume:

- a) "O fomento da actividade física e do deporte base e de alta competición en Galicia".
- b) "Realización de actividades encamiñadas á captación de recursos e ao estímulo do mecenado das entidades e institucións para o apoio do deporte e dos/as deportistas galegos/as, así como tamén a realización de actividades dirixidas a involucrar os medios de comunicación no proceso de divulgación e promoción da actividade física, do deporte e dos/as deportistas galegos/as".
- c) "Realización de patrocinios, outorgamento de becas e concesión de axudas no ámbito dos seus fins".

Na consecución destes obxectivos fundacionais, a Fundación pon en marcha o Plan de patrocinio dos equipos de alta competición deportiva profesional de Galicia, neste caso, para o exercicio 2026 co código de procedemento DE400B.

O deporte de alto nivel ou de alta competición constitúe un factor esencial no desenvolvemento do sistema deportivo polo que supón de estímulo para o fomento do deporte base, e pola súa función representativa e de reputación xeral do deporte galego, especificamente nas competicións deportivas nacionais e internacionais. Os nosos clubs e deportistas cumpren aquí ademais unha relevante función de cohesión social do territorio, e de motivación para os nenos e nenas de Galicia.

Tras tempadas de traballo, logrando dos clubs un grande retorno publicitario en todo o territorio galego, estatal e incluso a nivel internacional, cunha presenza permanente da imaxe deste Plan de Patrocinio nos medios de comunicación, nos espazos deportivos, e nas redes sociais, incorpórase nesta convocatoria a Axencia Turismo de Galicia-Xacobeo.

No ámbito do acordo de colaboración para a promoción de actividades deportivas entre a Axencia Turismo de Galicia e a Secretaría Xeral para o Deporte, establécese como obxectivo a promoción de actuacións conxuntas que redunden na promoción nacional e internacional de Galicia e do Ano Santo Xacobeo 2027, a través do deporte. Dita colaboración concrétese a través deste Plan de Patrocinio entre outras actuacións, para a promoción da marca Xacobeo Galicia 2027.

## **Plan de patrocinio dos equipos de alta competición deportiva profesional de Galicia 2026**

Este patrocinio supón a consideración da AXENCIA TURISMO DE GALICIA-XACOBEO como patrocinador oficial do plan, incorporándose o seu distintivo corporativo ás actuacións de comunicación do mesmo que desenvolva a Fundación, sen prexuízo das restantes prestacións contempladas no presente Plan a favor da AXENCIA TURISMO DE GALICIA-XACOBEO.

A Fundación Deporte Galego está interesada na difusión e promoción da imaxe da "Xunta de Galicia" e da marca "Deporte Galego", mediante a asociación destas imaxe e marca ao deporte profesional de Galicia e participantes nas principais competicións nacionais, aos seus valores, e mediante e grazas aos seus principais representantes na CA. Entendese que a fórmula de patrocinio deportivo permite cumprir o dobre obxectivo: difusión, promoción e sensibilización do deporte galego, e difusión da imaxe e marca "Xunta de Galicia" e "Deporte Galego". As Entidades deberán incorporar a imaxe corporativa establecida pola Fundación Deporte galego para a promoción do "DEPORTE GALEGO" en todas as competicións nas que participe o Equipo de categoría absoluta, así como nas actividades que organice e nos soportes que, expresamente, se establezan.

### **2. Persoas destinatarias.**

No que respecta ao ámbito de aplicación do plan, debemos sinalar as competicións profesionais.

Estritamente, en España son competicións profesionais a 1ª e a 2ª división do fútbol masculino, a liga ACB de baloncesto, a liga profesional feminina de fútbol e a liga ASOBAL de balonmán. Historicamente gozan desta cualificación as tres primeiras competicións (Disposición adicional sexta do Real Decreto 1251/1999, de 16 de xullo, sobre sociedades anónimas deportivas, BOE de 17 de xullo), mentres que as dúas restantes a obtiveron moito mais recentemente tralos acordos da Comisión Directiva do Consejo Superior de Deportes de, respectivamente, 15 xuño de 2021 e 7 de xullo de 2022.

Pola súa banda, a Resolución de 12 de agosto de 2005, da Secretaría de Estado de Inmigración y Emigración, pola que se dispón a publicación do Acordo de Consejo de Ministros, de 15 de xullo de 2005, polo que se aproban as Instrucións polas que se determina o procedemento para autorizar a residencia e o desenvolvemento de actividades laborais deportivas profesionais por estranxeiros (BOE de 22 de agosto), inclúe no seu ámbito de aplicación as seguintes competicións:

- a) Baloncesto: Liga ACB, agora Liga Masculina Endesa (ACB-Asociación de Clubs de Baloncesto masculino). Liga Feminina de Baloncesto, agora Liga Feminina Endesa. Liga de Primeira FEB.
- b) Balonmán: División de Honor Feminina, agora Campionato Estatal de División de Honra Feminina. División de Honor «A» Masculina (Liga ASOBAL), agora Campionato Estatal de División de Honra Masculina.
- c) Ciclismo: clubs ou equipos incluídos na UCI PRO TOUR.
- d) Fútbol: Primeira División de Fútbol Feminino. Liga Nacional de Fútbol Profesional (1.ª e 2.ª División de Fútbol masculino), agora La Liga (LFP EA Sports e LFP

## Plan de patrocinio dos equipos de alta competición deportiva profesional de Galicia 2026

HYPERMOTION). División de Honra da Liga Nacional de Fútbol-Sala masculino, agora Primeira División de Fútbol Sala masculina.

- e) Voleibol: División de Honor Feminina, agora Liga IBERDROLA. División de Honor Masculina, agora Superliga Masculina

Tido en conta estes ámbitos normativo e cualificador, o presente plan patrocina aos equipos galegos que participen na tempada 2025-2026 nestas categorías competitivas.

Atendendo ao obxecto do Plan de Patrocinio dos Equipos de Alta Competición Deportiva Profesional de Galicia, son obxecto deste Plan de Patrocinio aquelas entidades que na tempada 2025/2026 contan con equipos deportivos que participen nas seguintes competicións:

- BALONCESTO:
  - o Liga Masculina Endesa.
  - o Liga Feminina Endesa.
  - o Primeira FEB.
- BALONMÁN:
  - o Campionato Estatal de División de Honra Feminina.
  - o Campionato Estatal de División de Honra Masculina.
- FÚTBOL:
  - o La Liga. LFP EA Sports.
  - o La Liga. LFP HYPERMOTION.
  - o Primeira División de Fútbol Feminino.
  - o Primeira División de Fútbol Sala masculina.
- VOLEIBOL:
  - o Liga IBERDROLA.
  - o Superliga Masculina.

O plan identifica, a través dunha certificación da federación correspondente, aos clubs deportivos galegos (inscritos no Rexistro de Entidades deportivas de Galicia) participantes nas competicións sinaladas anteriormente, resultando os seguintes:

EQUIPOS 25/26	MODALIDADE/ESPECIALIDADE DEPORTIVA PATROCINADA E DENOMINACIÓN DA COMPETICIÓN	CARÁCTER
Ensino Lugo Club de Baloncesto	Baloncesto-Liga Feminina Endesa	FEM
Club Universitario de Ferrol	Baloncesto-Liga Feminina Endesa	FEM
Club Baloncesto Breogán	Baloncesto-Liga Masculina Endesa	MAS
Basquet Coruña	Baloncesto-Primeira FEB	MAS
Obradoiro Club Amigos del Baloncesto CAB	Baloncesto-Primeira FEB	MAS
Club Orense Baloncesto SAD	Baloncesto-Primeira FEB	MAS
Club Balonmano Porriño	Balonmán-Campionato Estatal de División de Honra Feminina	FEM
Clube Balonmán Atlét. Guardés-Guarda	Balonmán-Campionato Estatal de División de Honra Feminina	FEM
Club Balonmán Cangas	Balonmán-Campionato Estatal de División de Honra Masculina	MAS
Real Club Deportivo de la Coruña S A D A (feminino)	Fútbol-Primeira División de Fútbol Feminino	FEM

## **Plan de patrocinio dos equipos de alta competición deportiva profesional de Galicia 2026**

Real Club Celta de Vigo	Fútbol-La Liga. LFP EA Sports.	MAS
Real Club Deportivo de la Coruña S A D A (masculino)	Fútbol-La Liga. LFP HYPERMOTION.	MAS
Club Noia Fútbol Sala	Fútbol Sala-Primeira División de Fútbol Sala masculina	MAS
O Parrulo FS	Fútbol Sala-Primeira División de Fútbol Sala masculina	MAS
Club Emevé	Voleibol-Liga Iberdrola	FEM

### **3. Dotación orzamentaria.**

O orzamento (incluído o I.V.E.) autorizado para este Plan de patrocinio ascende á cantidade de **1.000.000 €**, contía que representa o gasto máximo a realizar pola Fundación en virtude do Plan. Esta contía, en todo caso, haberá de ser reaxustada, no seu caso, con motivo dunha eventual modificación do tipo impositivo do I.V.E.

A antedita contía comprende non só o importe dos correspondentes patrocinios, senón tamén cantos recargos e impostos sexan legalmente repercutibles e demais gastos que fosen de aplicación. Tamén se debe entender comprendido o importe de **173.553,72 €** do Imposto sobre o Valor Engadido (I.V.E.), que corresponde ao 21% do orzamento sen I.V.E. (**826.446,28 €**), de conformidade co disposto na lexislación vixente e sempre referido ao tipo vixente ao longo da vixencia dos convenios. Todo isto, sen perxuízo do antes sinalado en relación a unha eventual modificación do tipo impositivo do I.V.E.

Os presentes convenios serán financiados con cargo aos orzamentos da Fundación Deporte Galego para o ano 2026, e concretamente con cargo á partida orzamentaria (5. Outros Gastos), dado que no orzamento vixente para o exercicio 2026 dispónse de financiamento suficiente para os presentes convenios con cargo á partida sinalada anteriormente.

### **4. Tramitación: convenios de patrocinio.**

O Plan supón unha actividade de patrocinio realizada pola Fundación respecto dos equipos destinatarios, que deberán cumprir as obrigas de difusión da imaxe corporativa establecida pola Fundación Deporte Galego, especificadas no convenio, así como nunha colaboración dos equipos, e particularmente das persoas que conforman os equipos, nas actividades organizadas no marco do Plan.

En atención á natureza das relacións nas que se traduce, o Plan será executado a través da formalización de convenios de patrocinio cos Equipos incorporados ao Plan. Estes convenios, que a Fundación subscribirá con cada entidade deportiva, contemplarán as obrigas que os equipos patrocinados se comprometen a realizar para a Fundación Deporte galego no ámbito da consecución dos obxectivos.

#### **4.1. Prestacións publicitarias.**

Este Plan estruturase nunha única liña de patrocinio con cargo á liña específica Deporte Galego: **826.446,28** euros máis IVE. Todos os equipos identificados como posibles patrocinados poderán acceder a esta liña de patrocinio se cumpren cos requisitos

## Plan de patrocinio dos equipos de alta competición deportiva profesional de Galicia 2026

esixidos no apartado 2 deste plan, podendo renunciar ou non aceptar unha vez coñecida a resolución expresa.

### **Soportes publicitarios obrigatorios:**

As Entidades deberán incorporar os logotipos corporativos establecidos pola Fundación Deporte Galego para a promoción da imaxe da XUNTA DE GALICIA/DEPORTE GALEGO e da AXENCIA TURISMO DE GALICIA-XACOBEO en todas as competicións nas que participe o Equipo beneficiario desde a firma do convenio ata o 31 de outubro de 2026, así como nas actividades que organice o equipo e nos seguintes soportes, sen prexuízo doutros que puidesen establecerse:

Imaxe DEPORTE GALEGO (logo actualizado XUNTA DE GALICIA):

1. Equipamentos oficiais de competición: a localización da imaxe deberá figurar preferentemente na parte traseira da prenda en grande.
2. Equipamentos de adestramento, prioritariamente na parte traseira da prenda en grande.
3. Equipamentos de paseo/viaxe, prioritariamente na parte traseira da prenda en grande.
4. Vehículos oficiais dos que dispoña o equipo, en propiedade ou alugado para desprazarse a competir.
5. Cartelería oficial ou en calquera outro soporte utilizado para anunciar os encontros/probas/actividades organizadas polo club.
6. Banner publicitario nun lugar preferente da web da entidade, logo nas cabeceiras de Facebook e X (antes twitter) e publicacións no Instagram (no caso de non dispoñer destes soportes, será obrigatorio dispoñer polo menos dun deles).
7. Lonas publicitarias:  
Na instalación de competición como local deberán situarse, en lugar preferente, dúas lonas publicitarias de 5x1 metros onde se recolla exclusivamente a imaxe corporativa establecida para este apartado, XUNTA DE GALICIA. Deberán tamén incorporarse estas lonas nas diferentes actividades organizadas pola Entidade.
8. Paneis/Traseiras de prensa utilizadas para as roldas de prensa (sexa en local pechado ou no espazo destinado á competición).

De non ser posible incluír a imaxe corporativa do Plan nalgún dos soportes sinalados anteriormente, debido a limitacións regulamentarias da competición, deberá xustificarse axeitadamente e incluír a imaxe nalgún outro soporte distinto aos establecidos. Nese caso é preciso identificar o soporte alternativo no espazo habilitado no formulario normalizado de solicitude de patrocinio (ANEXO I).

Imaxe AXENCIA TURISMO DE GALICIA-XACOBEO (logo actualizado XACOBEO 2027):

1. Equipamentos oficiais de competición: a localización da imaxe deberá figurar preferentemente na parte traseira da prenda en grande.

## **Plan de patrocinio dos equipos de alta competición deportiva profesional de Galicia 2026**

2. Vehículos oficiais dos que dispoña o equipo, en propiedade ou alugado para desprazarse a competir.
3. Cartelería oficial ou en calquera outro soporte utilizado para anunciar os encontros/probas/actividades organizadas polo club.
4. Banner publicitario nun lugar preferente da web da entidade, logo nas cabeceiras de Facebook e X (antes twitter) e publicacións no Instagram (no caso de non dispoñer destes soportes, será obrigatorio dispoñer polo menos dun deles).
5. Lonas publicitarias:  
Na instalación de competición como local deberán situarse, en lugar preferente, dúas lonas publicitarias de 5x1 metros onde se recolla exclusivamente a imaxe corporativa establecida para este apartado, XACOBEO 2027. Deberán tamén incorporarse estas lonas nas diferentes actividades organizadas pola Entidade.
6. Paneis/Traseiras de prensa utilizadas para as roldas de prensa (sexa en local pechado ou no espazo destinado á competición).

De non ser posible incluír a imaxe corporativa do Plan nalgún dos soportes sinalados anteriormente, debido a limitacións regulamentarias da competición, deberá xustificarse axeitadamente e incluír a imaxe nalgún outro soporte distinto aos establecidos. Nese caso é preciso identificar o soporte alternativo no espazo habilitado no formulario normalizado de solicitude de patrocinio (ANEXO I).

### **4.2. Responsabilidades.**

En todo caso, a Entidade obrígase a:

- Actualizar os soportes e elementos onde se fixa a imaxe corporativa ao fin de que se cumpran as accións publicitarias establecidas no marco deste Plan de patrocinio.
- Manter sempre en perfecto estado os soportes publicitarios comprometidos no correspondente patrocinio.
- Responder das consecuencias que se puideran derivar para a Fundación Deporte Galego e para AXENCIA TURISMO DE GALICIA-XACOBEO da realización dos presentes convenios en condicións de ilegalidade ou de incumprimento da lexislación vixente nesta materia.

A execución destas obrigas serán asumidas, na súa totalidade, pola Entidade, de acordo co establecido entre as partes nos presentes acordos. Toda a publicidade estática, material impreso, vídeos e elementos ou activos serán producidos pola Entidade, cos contidos proporcionados pola Fundación, sendo por conta da Entidade os gastos de adaptación, produción, transporte, instalación e mantemento en perfectas condicións de percepción óptica.

Os equipos participarán, ademais, nas actividades organizadas no marco do Plan e nas actividades promocionais do plan.

## **Plan de patrocinio dos equipos de alta competición deportiva profesional de Galicia 2026**

A entidade comprométese a comunicar no prazo máximo de 5 días, desde a obtención do resultado, os máis importantes acadados en competicións nacionais e internacionais a [fundaciondeportegalego.pr@xunta.gal](mailto:fundaciondeportegalego.pr@xunta.gal). 1º a 3º posto en competicións estatais e 1º a 5º posto en competicións internacionais.

Asemade, a entidade comunicará con unha semana de antelación, a [fundaciondeportegalego.pr@xunta.gal](mailto:fundaciondeportegalego.pr@xunta.gal) a celebración de competicións, eventos de relevancia, ou actos públicos e de comunicación relativos ao equipo patrocinado.

A entidade facilitará á Fundación Deporte Galego 10 invitacións para asistir ás competicións ou eventos organizados por esta.

Os equipos, e particularmente os seus adestradores e xogadores/as, colaborarán nas actividades organizadas no marco do Plan. A Fundación comunicará aos equipos cunha antelación mínima de 15 días, as actividades do Plan nas que deban participar os adestradores/as e xogadores/as, quenes deberán asistir salvo xustificación admitida pola Fundación Deporte Galego.

### **4.3. Imaxe do plan.**

As entidades están obrigadas á utilización dos logos vixentes da XUNTA DE GALICIA e do XACOBEO 2027.

## **5. Vixencia dos convenios de patrocinio.**

O prazo de vixencia de cada un dos convenios estenderase entre a data de sinatura dos mesmos e o 31 de outubro de 2026.

## **6. Documentación a presentar polas Entidades**

### **6.1. Forma de presentación.**

A Fundación remitiralle un correo electrónico á entidade obxecto de patrocinio, ao email correspondente facilitado pola respectiva Federación Deportiva Galega, cursando invitación para a presentación da solicitude de patrocinio acompañando o texto da convocatoria.

A Entidade invitada a tomar parte no procedemento DE400B, presentará a solicitude obrigatoriamente por medios electrónicos a través do formulario normalizado (ANEXO I) dispoñible na sede electrónica da Xunta de Galicia, <https://sede.xunta.gal>.

De conformidade co artigo 68.4 da Lei 39/2015, do 1 de outubro, do procedemento administrativo común das Administracións Públicas, se algunha das persoas interesadas presenta a súa solicitude presencialmente, requiriráselle para que a

emende a través da súa presentación electrónica. Para estes efectos, considérase como data de presentación da solicitude aquela na que fose realizada a emenda.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

## **6.2. Documentación complementaria.**

A documentación complementaria deberá presentarse electronicamente.

Se algunha das persoas interesadas presenta a documentación complementaria presencialmente, requiriráselle para que a emende a través da súa presentación electrónica. Para estes efectos, considerárase como data de presentación aquela na que fose realizada a emenda.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas pola persoa interesada, para o que poderán requirir a exhibición do documento ou da información orixinal.

Sempre que se realice a presentación de documentos separadamente da solicitude deberase indicar o código e o órgano responsable do procedemento, o número de rexistro de entrada da solicitude e o número de expediente se se dispón del.

No caso de que algún dos documentos a presentar de forma electrónica superase os tamaños máximos establecidos ou tivera un formato non admitido pola sede electrónica da Xunta de Galicia, permitirase a presentación deste de forma presencial dentro dos prazos previstos e na forma indicada no parágrafo anterior. A información actualizada sobre o tamaño máximo e os formatos admitidos pode consultarse na sede electrónica da Xunta de Galicia.

## **6.3. Comprobación de datos.**

Para a tramitación deste procedemento consultarase automaticamente os datos incluídos nos seguintes documentos en poder da Administración actuante ou elaborados polas Administracións públicas agás que a persoa interesada se opoña á súa consulta:

- a) Escritura ou documento de constitución e/ou modificación, ou estatutos, debidamente inscritos, no seu caso, no Rexistro que corresponda segundo o tipo de persoa xurídica de que se trate.
- b) NIF da entidade solicitante.
- c) NIF da entidade representante.
- d) DNI/NIE da persoa representante.

## **Plan de patrocinio dos equipos de alta competición deportiva profesional de Galicia 2026**

- e) Certificado de estar ao día do pagamento coa Seguridade Social.
- f) Certificado de estar ao día do pagamento de obrigas tributarias coa AEAT.
- g) Certificado de estar ao día no pagamento das débedas coa Administración pública da comunidade autónoma.

No caso de que as persoas interesadas se opoñan á consulta, deberán indicalo no recadro correspondente habilitado no formulario correspondente e achegar os documentos.

Cando así o esixa a normativa aplicable solicitarase o consentimento expreso da persoa interesada para realizar a consulta.

Excepcionalmente, no caso de que algunha circunstancia imposibilitase a obtención dos citados datos, poderase solicitar ás persoas interesadas a presentación dos documentos correspondentes.

### **7. Prazo de presentación.**

O prazo máximo para a presentación das solicitudes será de 7 días naturais a contar dende a propia data de recepción da invitación.

### **8. Instrución. Emenda de erros .**

Finalizado o prazo de presentación da documentación, o técnico responsable procederá ao exame da documentación xeral presentada en tempo e forma, en función dos requisitos esixidos. Se se observasen defectos ou omisións emendables na documentación presentada, comunicarallo ás/os interesadas/os a través dos medios sinalados por estes no apartado do Anexo I "datos para efectos de notificación", concedéndose un prazo de dez días hábiles para que a Entidade corrixa ou emende os defectos.

Transcorrido este prazo só se valorarán os expedientes das Entidades que cumpran con todos os requirimentos formais e materiais esixidos.

### **9. Notificacións.**

As notificacións de resolucións e actos administrativos practícaranse só por medios electrónicos, nos termos previstos na normativa reguladora do procedemento administrativo común.

De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas practícaranse mediante a comparecencia na sede electrónica da Xunta de Galicia e a través do Sistema de Notificacións Electrónicas de Galicia, Notifica.gal. Este sistema remitirá ás persoas interesadas avisos da posta a disposición das notificacións á conta de correo e/ou teléfono móbil que consten na

## **Plan de patrocinio dos equipos de alta competición deportiva profesional de Galicia 2026**

solicitud. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

De conformidade co artigo 47 da Lei 4/2019, do 17 de xullo, de administración dixital de Galicia, as persoas interesadas deberán crear e manter o seu enderezo electrónico habilitado único a través do Sistema de Notificación Electrónica de Galicia - Notifica.gal, para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades do sector público autonómico de Galicia poderá de oficio crear o indicado enderezo, aos efectos de asegurar o cumprimento polas persoas interesadas da súa obriga de relacionarse por medios electrónicos.

As notificacións entenderanse practicadas no momento no que se produza o acceso ao seu contido, entendéndose rexeitada cando transcorresen dez días naturais desde a posta a disposición da notificación sen que se acceda ao seu contido.

Se o envío da notificación electrónica non fose posible por problemas técnicos practicarse a notificación polos medios previstos na normativa reguladora do procedemento administrativo común.

### **10. Trámites administrativos posteriores á presentación de solicitudes.**

Todos os trámites administrativos que as persoas interesadas deban realizar trala presentación da solicitud, deberán ser efectuados electronicamente accedendo á Carpeta cidadá da persoa interesada dispoñible na sede electrónica da Xunta de Galicia.

### **11. Transparencia e bo goberno.**

Deberá darse cumprimento ás obrigas de transparencia contidas no artigo 17 da Lei 1/2016, do 18 de xaneiro, de transparencia e bo goberno, e no artigo 15 da Lei 9/2007, do 13 de xuño, de subvencións de Galicia.

En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Administración, ao organismo ou á entidade das previstas no artigo 3.1 da Lei 1/2016, do 18 de xaneiro, á que se atopen vinculadas, previo requirimento, toda a información necesaria para o cumprimento por aquela das obrigas previstas no título I da citada lei.

### **12. Publicación dos actos.**

A Fundación Deporte Galego publicará na súa páxina web oficial <https://deporte.xunta.gal/gl/areas-de-traballo> a relación das persoas beneficiarias e o importe dos patrocinios concedidos. Incluirá, igualmente, as referidas axudas e as sancións que, como consecuencia delas, puideren impoñerse nos correspondentes

## **Plan de patrocinio dos equipos de alta competición deportiva profesional de Galicia 2026**

registros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

Tamén remitirá para a súa publicación no Diario Oficial de Galicia, dentro dos primeiros vinte días dos meses de xaneiro, maio ou setembro do ano 2026/2027, en función de cando se formalicen os convenios de patrocinio, unha relación dos que se subscriban referida ao cuadrimestre anterior. Nesta relación sinalarase con claridade o importe dos mesmos, o obxecto do convenio e a persoa ou entidade destinataria.

Así mesmo, a Fundación remitirá copia dos convenios formalizados ao rexistro público de convenios da Xunta de Galicia, segundo o establecido na normativa reguladora deste.

### **13. Valor estimado dos convenios.**

O procedemento para determinar o importe do patrocinio de cada Entidade é o seguinte:

#### **13.1. Aplicación do seguinte criterio para cada equipo que cumpra cos requisitos establecidos no punto 2 deste plan.**

Número de licenzas da modalidade deportiva en España no ano 2024 en todas as categorías, tomando como referencia os últimos datos oficiais publicados polo Consello Superior de Deportes ou as facilitadas pola federación deportiva correspondente, diferenciando as masculinas das femininas e o nivel da competición.

Ata 150 puntos atendendo á seguinte táboa:

Nº LICENZAS	PUNTOS 1º Máximo Nivel	PUNTOS 2º Máximo Nivel
Máis de 200.000	150	110
40.001 a 200.000	85	70
10.001 a 40.000	70	50
2.001 a 10.000	40	20
Menos de 2.001	30	10

13.1.1. No caso de que unha Entidade teña varios equipos que cumpran cos requirimentos para ser obxecto deste patrocinio efectuaráselle unha baremación por equipo.

13.1.2. Unha vez aplicado o criterio de valoración e obtida unha puntuación para cada equipo procederase a sumar a puntuación de todos os equipos.

## **Plan de patrocinio dos equipos de alta competición deportiva profesional de Galicia 2026**

13.1.3. Seguidamente, divídese o importe total do orzamento entre o sumatorio de todos os puntos obtidos polos equipos, resultando deste xeito unha valoración económica para cada punto.

13.1.4. Finalmente, multiplícase o valor do punto polos puntos obtidos por cada equipo, resultando así o importe total para cada equipo.

13.1.5. No suposto de que algún equipo non aceptara o patrocinio, recalcularanse os importes finais dos convenios mediante a nova aplicación do procedemento sinalado anteriormente ao resto dos equipos.

### **14. Resolución do patrocinio.**

O director xerente da Fundación trasladará un informe coas cantidades correspondentes a cada entidade segundo os criterios establecidos no Plan ao Padroado da Fundación Deporte Galego para que este resolva.

O prazo máximo para publicar a resolución expresa non poderá exceder dos tres meses, a contar dende a entrada da solicitude no rexistro electrónico. O vencemento do citado prazo sen que se notifique a resolución expresa, lexítima ao interesado para entender desestimada a súa solicitude.

### **15. Aceptación do patrocinio.**

Trala resolución dos patrocinios, as entidades patrocinadas, disporán dun prazo de 3 días naturais a contar desde o mesmo momento da publicación da resolución para aceptar o patrocinio. Se neses 3 días naturais non hai pronunciamento, enténdese ACEPTADO.

No caso de non aceptar o patrocinio, disporán dun prazo de 3 días naturais a contar desde o mesmo momento da publicación da resolución para comunicalo electronicamente accedendo á Carpeta cidadá da persoa interesada dispoñible na sede electrónica da Xunta de Galicia para o procedemento DE400B.

### **16. Nova resolución se algunha entidade renunciara ao patrocinio.**

Se se dera o caso de que algunha Entidade non aceptara a totalidade do patrocinio, efectuaríase unha segunda resolución incorporando de novo ao reparto o crédito dos patrocinios aos que renunciaron as entidades e redistribuíndoo de novo entre os equipos que si aceptaran.

### **17. Formalización do patrocinio.**

Os convenios asinaranse pola Fundación con cada unha das entidades. As entidades que contan con máis dun equipo patrocinado, deberán formalizar un convenio por cada un.

## **18. Fórmula de pago.**

O importe de cada convenio será abonado pola Fundación, dende a data da sinatura deste, en dous prazos:

O primeiro prazo, 80% do importe total, á sinatura do convenio e unha vez recibida a correspondente xustificación gráfica de ter utilizados os soportes publicitarios esixidos coa imaxe de XUNTA DE GALICIA (Anexo II) e presentada, a través do Sistema Electrónico de Facturación da Comunidade Autónoma de Galicia [https://factura.conselleriadefacenda.es/eFactura\\_web/](https://factura.conselleriadefacenda.es/eFactura_web/), a correspondente factura emitida pola Entidade de conformidade coa Fundación Deporte Galego. No concepto da factura farase constar "Primeiro pago do convenio de patrocinio formalizado entre a Fundación Deporte Galego e a Entidade ..... ao abeiro do Plan de Patrocinio dos Equipos de Alta Competición Deportiva Profesional de Galicia 2026".

O segundo prazo, 20% do importe total aboarase a partir do 31 de outubro de 2026, data de remate do convenio, e unha vez recibida a seguinte documentación:

- Xustificación gráfica de ter utilizados os soportes publicitarios esixidos coa imaxe de XUNTA DE GALICIA e XACOBEO 2027 (Anexo III).
- Declaración doutras axudas solicitadas para a mesma finalidade ás distintas administracións públicas competentes ou a entidades privadas, con indicación das concedidas ou pendentes de resolución, e de que os ingresos obtidos con motivo da actividade patrocinada non xeraron superávit ou, en caso contrario, informado de cal é ese excedente ao fin de proceder á redución do importe final a pagar na contía que exceda o equilibrio entre ingresos e gastos da actividade patrocinada (Anexo IV).
- Factura do segundo prazo (20%). Presentada, a través do Sistema Electrónico de Facturación da Comunidade Autónoma de Galicia [https://factura.conselleriadefacenda.es/eFactura\\_web/](https://factura.conselleriadefacenda.es/eFactura_web/) previa conformidade da Fundación Deporte Galego. No concepto da factura farase constar "Segundo pago do convenio de patrocinio formalizado entre a Fundación Deporte Galego e a Entidade ..... ao abeiro do Plan de Patrocinio dos Equipos de Alta Competición Deportiva Profesional de Galicia 2026".

A data límite para presentar toda a documentación xustificativa será o 15 de Novembro do 2026. En caso de non ter presentada a documentación nesta data, perderán o dereito ao cobro das cantidades pendentes.

Os documentos relativos ás declaracións responsables e xustificacións gráficas de ter utilizados os soportes publicitarios esixidos dos dous prazos (Anexo II e Anexo III) están dispoñibles na sede electrónica para o procedemento DE400B. Para a súa presentación, utilizaranse os medios electrónicos accedendo á Carpeta cidadá da persoa interesada dispoñible na sede electrónica da Xunta de Galicia e utilizando os modelos normalizados para facilitar a realización dos trámites, indicando o código DE400B e o órgano responsable do procedemento (FUNDACIÓN DEPORTE GALEGO), o número de rexistro de entrada da solicitude e o número de expediente se se dispón del.

## **19. Emenda da documentación xustificativa.**

No caso de que a documentación xustificativa, presentada ata o 15 de novembro de 2026, non fose suficiente, a Fundación fará un único requirimento, con un prazo máximo de 10 días de reposición e que se poñerá á disposición da persoa interesada a través do Sistema de Notificacións Electrónicas de Galicia, Notifica.gal.

## **20. Penalizacións.**

As entidades con equipos patrocinados están obrigadas ao estrito cumprimento das obrigas adquiridas en virtude do convenio suscrito coa Fundación e do plan de patrocinio que lle serve de base, véndose tamén obrigadas a comunicar de forma inmediata á Fundación calquera circunstancia que afecte ao exacto cumprimento das prestacións ás que se obriga.

Se o incumprimento das obrigas vén motivado por non poder participar na competición pola que é beneficiario debido á non inscrición do equipo ou pola desaparición da entidade ou polo abandono da competición principal do seu equipo sénior, a entidade perderá o dereito ao cobro das cantidades pendentes de abono e estará obrigada a devolver os fondos percibidos, procedéndose ademais á resolución automática do convenio.

Nos restantes supostos de incumprimento motivados pola imposibilidade da entidade de cumprir coas obrigas publicitarias contraídas coa subscripción do convenio, á Fundación poderá optar por outras alternativas publicitarias diferentes ás inicialmente acordadas ou pola redución proporcional do patrocinio, podéndose derivar nestes supostos á obriga de devolver os fondos percibidos do importe pagado en exceso se, efectuado algún pago antes do incumprimento, o novo patrocinio resultante fora inferior ao inicialmente acordado.

## **21. Causas de resolución dos convenios de patrocinio**

Serán causas de resolución as seguintes:

- Obtención do patrocinio falseando as condicións requiridas para iso ou ocultando aquelas que o impedisen.
- Incumprimento total ou parcial do proxecto que fundamenta a formalización do convenio.
- Non estar inscrito como equipo finalmente na competición pola cal accede ao patrocinio.
- Se o equipo obxecto do patrocinio abandona a competición antes de calquera dos prazos de pago ou desaparece a entidade.
- Resistencia, escusa, obstrución ou negativa ás actuacións de comprobación que efectúe a Fundación en relación ao cumprimento do establecido no correspondente convenio e neste Plan.

## **Plan de patrocinio dos equipos de alta competición deportiva profesional de Galicia 2026**

- Resultar inviable a realización de todas as actuacións descritas neste Plan por causas non imputables ás Partes.
- Calquera incumprimento da Entidade e dos seus membros das normas fixadas polas autoridades en materia de loita anti-dopaxe, poderá ser considerado como falta moi grave, reservándose en todo caso a Fundación o dereito á resolución unilateral do convenio. A Entidade e todos os seus membros (directivos, corpo técnico, deportistas, etc....) obríganse a cumprir coa máxima dilixencia as instrucións e os requirimentos das autoridades en materia de loita anti-dopaxe en orde á permanente localización e sometemento dos/as deportistas aos controis antidopaxe que ditas autoridades consideren oportuno establecer, tanto dentro como fóra de competición.
- Calquera incumprimento da Entidade e dos seus membros das normas fixadas polas autoridades en materia de loita contra a violencia no deporte, poderá ser considerado como falta moi grave, reservándose en todo caso a Fundación o dereito á resolución unilateral do convenio. A Entidade fará todo o que estea nas súas mans para garantir que todos os seus directivos, socios, abonados, corpo técnico, deportistas, etc.... cumplan coa máxima dilixencia as instrucións e os requirimentos das autoridades en materia de loita contra a violencia no deporte.
- Calquera incumprimento da Entidade e dos seus membros da normativa en materia de protección integral contra a violencia de xénero, poderá ser considerado como falta moi grave, reservándose en todo caso a Fundación o dereito á resolución unilateral do convenio.

### **22. Actuacións de control por parte da Fundación.**

As entidades que formalicen o convenio ou convenios de patrocinio, deberán facilitar toda a información solicitada e someterse ás actuacións de comprobación que leve a cabo a Fundación Deporte Galego, así como calquera outra actuación, sexa de comprobación e control financeiro, que poidan realizar os órganos de control competentes, tanto galegos como estatais ou comunitarios, para o que se achegará canta información lle sexa requirida no exercicio das actuacións correspondentes.

### **23. Información para os patrocinadores.**

As entidades que accedan, autorizan á Fundación a facilitarlle ao patrocinador que corresponda a información relativa á denominación e domicilio da entidade, ao detalle dos soportes publicitarios nos que incluírá a imaxe do patrocinador segundo as prestacións publicitarias establecidas, así como ao importe resolto.